

PRIMERA CARTA DEL APÓSTOL SAN PABLO A LOS

TESALONISENSES

Pablo y sus compañeros escriben a la iglesia de Tesalónica

1 ¹ Yũ Pablo yũ mena macana mena Silvano, Timoteo mena ati pũuro mujaare yũ queti joo Tesalónica macanare Dio mani Pacu yaräre, mani Ɔpau Jesucristo yaräre. Caroaro mujaare jã ñuu roti, yeri wariñuuriquere mujaare Dio cũ joato ñrã.

El ejemplo de fe que daban los de Tesalónica

²⁻⁴ Mani Ɔpau Jesucristore cũre apiũja ñucubugorã caroaro muja átinucu. Caame mairã aniri aperäre caroaro na muja átinemonucu. Mani Ɔpau Jesucristore muja tugooña janaquëe. Dio cũ camairã, cũ cabejericarã muja ã. To bairo muja nipetirã muja cabairijere tugooñari, “Ñuu majuucoã,” jã ñ wariñuunucu Diore. To bairi to cãnacã ni mani Pacu Diore cũ jeni ñucubugorã jã jenibojanucu mujaare.

⁵ Jã yarã, Jesucristo ye quetire mujaare buiorã, cawatoana jã majuuna jã cabuiorije jeto meere jã caĩwũ. Dio Catirique Espiritu Santo tugooña tutuariquere jãre cũ cajooro caroaro jã camajiowũ mujaare. To bairo Jesu ye quetire jã caĩ buiuro apirã caroaro muja caapiũjawũ. “Cariapena buioma,” muja caĩ api ñucubugowũ. Muja majirã. Muja tũpũ ãnaa caroaro jã cátinucuwũ, caroaro na apiũjaato ñrã.

⁶ To bairi Jesu ye quetire jã cabuiooro caroaro muja caapiũjawũ aperã mujaare na camatagarije to cãnibato quena. Dio Espiritu Santo wariñuuriquere mujaare cũ cajooro tie quetire muja caapiũjawũ seeto popiye tamũobana quena. To bairi jãre bairona cátajecũna muja cãmũ. To bairi mani Ɔpau Jesu quena cũre bairona cátajecũna muja cãmũ.

⁷ To bairona muja cáto tũjurã Macedonia yepa macana, Acaya yepa macana quena Jesucristore caapiũjarã, “Nare bairo manire cátipe ã,” caĩ tugooñañupa mujaare. ⁸⁻¹⁰ To bairi mani Ɔpau Jesu ye quetire na muja cabuioo neto jooyupa aperäre Macedonia yepa macanare, Acaya yepa macanare. Nipetiropũ Diore muja caapiũjarijere caapirã ocõo bairo ñma mujaare: “Pablo jãare caroaro na cãni rotiyupa Tesalónica macana na tũpũ na caejaro. Diore apiũjari na majuuna na cawericaräre Dio cãniquënarena na cáti ñucubugobatajere cajanañupa. To bairi Diore cajocaquëcũ macare, cacatiire áti ñucubugoma yucura,” ñma mujaare.

Dio Macu cū cabai yajiro bero cacati tunucoajupi. Catí tunu, umurecooru tunu aá, cabero ati yeparu rui atígumi tunu. Jõ bui cânacu ati yeparu tunu atíri cûre caapijajuênare na popiyeyegumi. To bairi mani maca cûre caapijjarã mani câno manire cū capopiyeyeboriquere manire canetoobojau âmi Jesu.

“Dio Macu jõ bui cawamu aátacu cū catunu atípere yuuma,” îma mûjaare. Jã maca to bairi mûja caapijarijere nare jã cabuiouquêtie to cânibato quena mere to bairona mûja caapijarijere majima aperori macana mûjaare.

El trabajo de Pablo en Tesalónica

2 ¹ Jã yarã, î jocarique îrã aána mee mûja tûpûre jã caejawu. Cariape caroa quetire jã cabuio teñaro mûjaa capãarã Jesure mûja caapijauw. ² Mûja tûpûre jã caejaparo jugoye Filipos na caíri macaru jã cãmu. Toru jã câno to macana ñuquêto jã î eperi rooro jã cãmá. Ti wamere mere mûja majirã. Mûja ya maca macana quena aperã to bairona jã cabuiorijere camatagabama. To bairo na cátibato quenare Dio maca caroaro yeri ocabütiriquere jã cajoowí. To bairi uwiricaró mano jã cabuiowu Dio ye quetire. ³ Dio ye quetire camajare buiorã caïtoya maniere jã î buionucu. Roro atigaquetiri itorique manona camajare jã buio teñanucu. ⁴ Dio maca cū ye quetire jãre cabuio rotiwí. To bairi jãre cū cabuio rotirore bairona jã î buionucu cū ye quetire. Jã yerire tugooña majimi Dio, to bairi caroaro jãre cū î tujato îrã jã buionucu. Dio maca cū tujū tujato îrã cū caboore bairona jã î buionucu. Camaja maca na caapi tujoori wame unore jã buioquêe. ⁵ Mûja tûpûrã ãnaa mûja yere tujū ugoorã jãcani uno caroaro wadapeni tujoori apeye unie boorã jã cabaitoquêp. Tière mûja majirã. Dio quena tiere majiimi, cariape jã catugooñarijere tujū majiri. ⁶ Mûjaa, “Seeto câni majuurã ãnama,” jãre mûja caï ñucubugopere jã camacaquêp. Aperã quenare to bairona jã camacaquêp. Cristo ye quetire cū cabuio roti joorã anibana quena carotirãre bairo mûjaare jã cabuiouquêp. ⁷ Caroaro mena jã caï ñucubugonucuwu mûjaare. Jãcao cãromio co punaacãre caroaro mena co catujū ujarore bairo jã cabaiwu mûjaare. ⁸ To bairi mûjaare tujū mairã, “Cristo ye quetire nare jã buiogarã,” jã caïwu. “To bairi camatarã jãre na cajãgarije to cânibato quena, nare jã buiogarã, seeto jã camairã na câno maca,” jã caïwu. ⁹ Mere mûja tugooña majirã, jã yarã. Mûja tûpûrã ãnaa tutuaro jã capaanucuwu jã majuuna. Umureco, ñami quenare tutuaro paabana popiye majuu jã catamowu, mûja ye ugariquere uga re patowãcoogaquêna. Dio ye quetire mûjaare buiobana quena jã majuuna jã ye riape ugarique, apeye unie quena jã capaa wapata popiye cütinucuwu. ¹⁰ Mûjaa Cristore caapijjarã mûja tûpûrã ãnaa Dio cū caboore bairona jã cátinucuwu. Roro jã cátiquetinucuwu. Ni maja majuu, “Roro áama,” cairã camama. To bairo caroaro jã cabairijere mûja tujū majiricarã. Dio quena to bairona jã cabairiquere majiimi. ¹¹ Ati wame quena mûja majirã: Mûjaare tugooña ocabütiriquere î buiorã caroaro mûjaare jã cabuionucuwu. Capacu cū punaa caroaro nare cū cabuioore bairona jã cátinucuwu mûjaare. ¹² Mûjaare jã caï buionucuwu, mani Upau Dio cū caboore bairona na ámaro îrã, nare cū tujū wariñuato îrã. Ape umurecooru cū carotiri pau, camaja nipetirã cū na cáti ñucubugori pau, cū tûpûrã câniparãre mûja cacũñupi Dio. To bairi cū tûpûrã câniparã aniri cū caboore bairo ája. Ati yeparure ãnaa, cū punaa aniri cū caïrore bairo caroaro ája. Mûjaare cū catujū wariñuaparore bairo îrã caroaro ája.

¹³ To bairi Diore, “Ñuubuĵa,” jā ĩnucu, cu ye queti jā cabuorijere muĵa caapiĵaro tuĵuri. “Camaja na catuĵooñarije queti me ā,” muĵa caĭwu. “Dio ye queti majuu ā ati wame,” ĩri muĵa caapiĵawu. Dio ye quetire muĵa caapiĵa nuĉubugoro caroaro āami muĵa yeripure yua. ¹⁴ Atie quetire muĵa caapiĵaro ĵicaarā muĵa yarā muĵaare rooro cĵupa, tie queti apiĵagaquena. To bairona cĵupa judío muĵa quena na yarā Jesucristo ye quetire na caapiĵaro. Na ya yepa macana judío muĵa, na yarā na caapiĵaro tuĵurā na tutiri rooro na cĵupa na quenare. ¹⁵ Mani Ūpau Jesure caĵāricarāna āma judío muĵa. Cajuĵoyepu Dio Wadariquere cabuiobatana ānana quenare caĵāñuparā na ĩncupure. Yu, yu mena macana menare rooro jā cabuuwā. To bairo cānare tuĵu wariñuuquēemi Dio. Camaja nipetirāre Jesure caapiĵaboparāre camatarā āma judío muĵa. ¹⁶ Judío muĵa cāniquena quenare Jesucristo ye quetire jā cabuiogaro, “Janacōaña,” jā ĩnucubama. Na quena Jesucristo ye quetire api nuĉubugorema ĩrā jā mataganucubapa. To bairo mata pairi seeto majuu caroorije āama naa. To bairi Dio seeto popiye tamuoriquere na joogumi, seeto majuu to bairo caroorije na cātie wapa.

Pablo desea visitar otra vez a los de Tesalónica

¹⁷ Jā yarā, topu cānana jā cabutiro beroacā muĵaare seeto jā cawiro cutinucuwu, muĵaare macabana. To bairi aperopu anibana quena seeto jā catuĵooñanucuwu muĵaare. ¹⁸ Muĵa tuĵure puĵani cōo seeto jā cāaĵabatona Satanā maca jā camatawī yua. ¹⁹⁻²⁰ Muĵaare tuĵooñarā jā wariñuunucu, caroaro Jesucristore muĵa api nuĉubugo ĩrā. Jesucristo cu catunu eĵaropu cu mena ānapu, “Caroaro āama Tesalónica macana,” cūre jā ĩgarā. “Mu ye quetire na jā cabuioro caroaro caapi nuĉubugowā,” jā ĩ wariñuugarā Cristore.

3 ¹⁻² To bairi muĵa ye quetire apigarā jā canuca majiquēpu. To bairi Timoteore muĵa tuĵu jā cāaā roti joowu, Jesure muĵa caapi nuĉubugorijere, tuĵooña ocabuti tutuanemoriquere muĵaare cu buioato ĩrā. Jā mena Jesucristo ye quetire cabuio teñanemou āmi, Dio yere capaobojau aniri. To bairi cu joori yu maca yu catuacōawu Silvano mena Atena na caĭri macapure. ³ Aperā maca Jesure muĵa caapiĵaro tuĵurā muĵaare popiyeyuparā. To bairo muĵaare na capopiyeyerije queti apirā Timoteore jā cajoowu muĵa tuĵu. Aperā nare na capopiyeyebato quena to bairona Jesure na apiĵa janaqueticōato ĩrā cūre jā cajoowu. Aperā Jesucristore mani caapiĵaro booquena popiye tamuoriquere mani ātinucugarāma. Mere tiere muĵa majirā. ⁴ Cajuĵoyepuna muĵa mena ānapuna muĵa catamuopere muĵaare jā caĭ buionucuwu. Mere tie jā caĭ buioeparore bairona bai. ⁵ To bairi muĵa caapi nuĉubugorijere seeto majigarā jā caqueti joo jeniñawu, Satanā, “Jesure apiĵa janacōaña,” na ĩ wadajāremi ĩrā. To bairo muĵaare cu caĭ wadajārijere muĵa caapiata jocarāna Jesu ye quetire muĵaare jā buioborarā.

⁶ Yucuacā Timoteo muĵa tuĵu catuĵu eĵaricu jā tuĵu tunu ejami mere. Caroa quetire jā buiomi muĵa cāniere. “Jesucristore caroaro apiĵa nuĉubugoma,” jā ĩmi. “Caroaro ame maima Tesalónica macana. Caroaro mani tuĵooñama. Na quena nare mani catuĵugarije cōona caroaro mani tuĵugama,” jā ĩmi Timoteo. ⁷ To bairi caroaro muĵa caapiĵa nuĉubugorijere jā cu cabuioro apirā jā yeri tuĵooña ocabuti catuĵooñarique paibatana. ⁸ To bairi mani Ūpau Jesucristore muĵa caapiĵa nuĉubugocōamata yeri

wariñuurã já anigarã. ⁹Seeto já wariñuu muja cabairijere queti apiri.

To bairi muja cabairijere tũgoonari Diore já i wariñuu peo majiũena.

¹⁰Nami, mũureco quena nairocã Diore já i jeninucu, mujaare tũjnemora aágabana. To bairi, “Na tũpũ já cáaápere já átibojaya,” cũ já i jeninucu Diore. “Cristore muja caapiũa nucũbugorijere já buio yaparogacũpũ,” cũ já i jeninucu Diore.

¹¹Ocõo bairo mani Pacũ Diore, mani Ɔpau Jesucristo quenare já i jeninucu: “Tsalónica macana tũpũre já cáaá majipere já átibojaya. ¹²Na majuuna na caame mainemoparore bairo na ája. Aperã camaja quenare nipetirãre na camaiparore bairo na ája, nare já camairore bairona. ¹³Nare yeri ocabũtiriquere na jooya, mũ carotiqueti wamere na cátiquetiparore bairo ii. Mũ catũjoorije jetore na áparo. To bairi mani Ɔpau Jesu cũ yarã mena cũ catunu ejaro, ‘Caroarã áma. Na yeripure caroorije maa,’ na mũ i tũjũgũ,” mujaare já i jeniþoja mani Pacũ Diore.

La vida que agrada a Dios

4 ¹Yucucã ape wamere mujaare já buio tũjagarã, mani Ɔpau Jesucristo cũ cabuio rotirijere. Dio cũ catũjoorije jetore átajecũja, muja tũpũ añapũ já caĩ buioeparore bairo. Yucucãre Dio cũ caboorijere muja átinucu. Seetobũja áticõaña.

²Mani Ɔpau Jesu cũ carotiro mena mujaare já cáti rotiepere muja tũgoõna majirã. ³Dio cũ catũjoorije jetore, caroaro mani cáto boomi, cũ yarã mani cãno maca. Áti epericarã cutaje, caroorije átajere booquẽemi Dio. ⁴To cãnacãuna ani nucũbugorique mena cũ numo majuu mena jetore mani cãnipere boomi Dio. Aperã mena caroorije átajere booquẽemi Dio. ⁵Aperã Diore camajiquẽna seeto áti epe paima. Nare bairo aniqueticõaña mujaa, ⁶Dio maca caroorije tũjũ majiri tie wapa seeto mani popiyeyebũmi irã. To bairi apeĩ numo mena caroorije átiqeticõaña. Apeĩ numo mena muja cápata co manapũre áti rooye tuurã muja átiborã. To bairi rooro cáti eperã aniqueticõaña. Dio maca to bairo cãnare tũjũ majiri seeto na popiyeyegũmi. Mere cajũgoyepũna cariapena tiere mujaare já caĩ buiowũ. ⁷Caroare mani cáti anipe jetore mani cacũñupi Dio. Caroorijere mani cáti epe anipe macare mani cacũquẽjupi. ⁸To bairi atie já cabuiorijere apigateerã Diore apigateerã muja baiborã. Já meere apigateerã muja baiborã. Diopũre cũ apigateerã muja baiborã. Dio cũ Espiritu Santore cajooypu mujaare, cũ caboorijere muja áti rotii. To bairi Dio cũ cabooquẽtie muja cápata, “Dio, mũre já booquẽe,” irã muja átiborã.

⁹“Jesucristore caapiũjarã aniri ame maiña mujaa,” mujaare já caĩnemope maa. Dio manire cũ camai rotiriquere mere muja majitũga. ¹⁰Nipetirã muja ya yepa Macedonia yepa cãnare na muja mai Jesucristore caapiũjarãre. Atiere mujaare já i buio. Netobũjaro ame mainemocõa aninucũna.

¹¹Rooro ame iquẽnana caroaro anicõaña. Aperã na cáti aniere wada pai bateqeticõaña. Muja ye macaje macare tũgoonari caroaro paariqecũja mujaare já cáti rotieparore bairona. ¹²To bairo ána aperã yere cajenirã muja aniquetigarã. To bairo caroaro muja majuuna muja capaariqecũto tũjũrã Jesure caapiũjaquẽna quena mujaare tũjũ nucũbugogarãma yua.

La venida del Señor

¹³Jesucristore caapiũjaricarã mere cabai yajiricarã na cabaipere mujaare yũ i buiopa. Tiere majirã seeto muja tũgoonarique paiquetigarã muja

yarã Jesure caapiujarã na cabai yajiro. Na quena cù mena to cãnacã rùmù anicõa anigarãma. Jesure caapiujaquẽna maca, “Cù mena jã anicõa aninucugarã,” ì majiquẽma. To bairi seeto tũgoõnarique paima na yarã na cabai yajiro. ¹⁴ Jesucristo manire cù cabai yajibojaro bero tunu, cù cacati tunuriquere mani api nũcubũgo maji. To bairo quena ocõo bairi wamere mani api nũcubũgo maji: Cristo cù catunu atí paũ cũre caapiujaricará mere cabai yajiricaráre tunu catiõgumi Dio, Cristore cù catunu catioricarore bairona.

¹⁵ To bairi mani Æpaũ Jesu cù cabuiorica wamerena buiorã jã áa mũjaare: Mani Æpaũ Jesu cù catunu atí paũ cãno mani cacatirã aperã cũre caapiujaricará mere cabai yajiricará Cristo tũpũ na jũgoye mani aãquetigarã. ¹⁶ Ocõo bairo maca baigaro: Mani Æpaũ majuu jõ bui cáacú rui atĩgumi pi awajarique mena. Cù tũ macacũ rotibojari majocũ quena pi awajagumi. Dio putiricaro cù caputirije báugaro. To bairo cabairi paũna Jesure caapiujaricará ãnana cawama rupauri mena tunu catí, wamũ nũcagarãma. ¹⁷ Na cawamũ nũcarona mani cacatirã Jesure caapiujarã na mena mani wamũ aágarã. Wamũ aá, jõ bui oco ajeripũ na mena mani Æpaũ Jesure mani boca tujugarã. To bairo bairã mani Æpaũ mena mani anicõa aninucugarã to cãnacã rùmù yua. ¹⁸ To bairi ati wamere ame buiorã ame tũgoõna ocabũtiõya mũjaa yua.

5 ¹ Di rùmù cãno, noo capaũ majuu mani Æpaũ Jesu tunu atĩgumi majiãna maa. To bairi jã buioquẽe. ² Jee rutiri majocũ ñamipũre canaitĩaro mani catũgoõnaquẽtopũ jee rutigũ ejaumi. Cù cáatĩpere mani camajiquẽtore bairona Jesu quena atĩgumi mani catũgoõna majiqueti paũpũ. “Camaja na catũgoõna majiqueti paũpũ atĩgumi mani Æpaũ,” mũja ì majitũga mere. ³ Cãromio, “Noo cõo yũ cãni riapa rùmù anigaro,” ì tũgoõna majiquẽcomo. Nemoo mere macũ cutigo ni riabuãoamo. Co cãni riarijere dope bairo áti janao majiquẽcomo. Co cabairi wamere bairona baigaro mani Æpaũ Jesu cù cáatĩpa rùmù cãno. Na camaji jũgoyeyequẽtopũ nemoo na regumi Dio cũre caapiujaquẽnare. “Caroaro mani ã. Nee mani uwiqũe,” na caĩbato quena nemoona na regumi Dio. Na cù careparo jũgoye dope bairo bai ruti majiquetigarãma yua.

⁴ Yũ yarã, mũja maca, “Ti rùmũna ejaumi,” ì majiquetibana quena, “Jesucristo tunu atĩgumi,” mũja ì maji. Cù catunu atĩpere camajiquẽnare bairo mũja aniquẽe. To bairi Jesucristo cù catunu atí paũ cãno mũja acũaquetigarã. Jee rutiri majocũ cù caejaro camaja na caacũarore bairo mũja acũaquetigarã cù catunu atí rùmù cãnopũ. ⁵ Jesucristore camajirã mũja ã mũja quena. Cũre camajiquẽna mee mani ã. ⁶ To bairi aperã Jesucristo cù catunu atĩpere catũgoõnaquẽnare bairo cabaiquetiparã mani ã. Caroaro catũgoõna maja catí yuuparã mani ã. ⁷ Canaitĩaropũ caninucuma camaja. Caeti cumurã ñamipũre eti mecũma. ⁸ To bairi mũmũrecopũ, mũipũ cù cabujuro caroaro catũgoõna maja catirãre bairo cãnipe ã, Jesucristo cù catunu atĩpere tũgoõna yuurã. Polisía come cori pejama na rũpoaripũre, come ajeri jaãnama, nare caquẽgarã beju na to capuaquetiparore bairo ãrã. Na cacũgorijere bairo mani maca mani yeripũ mani cũgogarã Jesucristore api nũcubũgori ame mairi, Jesucristo cù catunu atõpũ cù mena mani cãnicõa aninucupere tũgoõnari. To bairo mani cãmata Satanã mani rooye tuu majiquetigumi.

⁹ Dio caroorãre punijiniri na cù capopiyeyeparã meere manire cacũñupi Dio. Mani ye wapa manire cù capopiyeyebopere mani Æpaũ Jesucristo

manire cū cabai yajibojaro cū canetoobojaparã macare manire cacũñupi Dio. ¹⁰To bairi Cristo cū catunu atí paupere mani cacatiata cū mena mani anigarã. Cū catunu atiparo jugoye mani cabai yajiata quena mani catí tunugarã. Catí tunu, cū tũpu cū mena mani anigarã. ¹¹To bairi mere mũa caame ñore bairona ati wame ame buio majorã ame tũgoõña ocabũtioya mũaa, netobũjaro mũa caapiũjaparore bairo ñã.

Pablo aconseja a los hermanos

¹²Yũ yarã, mũa mena macana Dio ye quetire cabuiorãre Dio cū cacũricarãre na tũju nucũbugoya. Dio yere mũaare camajorã ãma. Dio cū cacũricarã ãma. Caroaro átinemoma mũaare, Jesu ye quetire buiorã. Mani Ʋpaũ Jesu cū carotiro mena dope bairo mũa cãnipere buiorã seeto paama. ¹³To bairo caroaro mũa na cátibojarijere tũgoõñari na maiña. Na nucũbugoya. Mũa majuuna caroaro anicõaña. Caroaro ame ája, ame wada canamurique manona.

¹⁴Jã yarã, ati wame quenare seeto mũaare jã buiogacũpu: Cateeye pairãre, “Netoo nucãqueticõaña,” na ñña. Catũgoõñarique pai yericũnare tũgoõña tutuarique na ñ buioya. Aperã popiye cutajere canũca majiquẽnare na átinemoña. To bairo cabairãre nipetirã patowãcaricaró mano caroaro mena na buioya.

¹⁵Jĩcaũ rooro mũaare cū cápata caroorije cū áti amequeticõaña. Caroa macare cū ája. Aperã nipetirãre caroa jeto na ája.

¹⁶Yeri wariñuucõa aninucuña. ¹⁷Diore jenicõa aninucuña. Cũre jeni janaquẽja. ¹⁸Nipetirije mũa cabairije to cãnacã wame Diore wariñuuriquere cū ñña. To bairona mũa caĩpere boomi Dio Jesucristo yarã mũa cãno maca.

¹⁹Dio Espĩritu Santo mũa yeripu caroaro mũaare cū cátigarijere mataquẽja. Caroaro cū ariũjaya. ²⁰Dio ye quetire cabuiorã na cabuiorijere bai botioquẽja. ²¹Na cabuiorijere caroaro api cõõña peocõaña, ¿cariape na ñti? ñã. Api cõõña peori cariape na caĩata to bairona na caĩri wame ája. ²²Cañuquẽtie macare nipetiri wame bai netooña.

²³Dio maca caroaro ani yeri ñuuriquere cajou ãmi. To bairi uguieri coje rericarore bairona mũa yerire caroorije nipetirijere caroaro cū reato, cū yarã jeto mũa cãniparore bairo ñi. Mũa yerire, mũa tũgoõñariquere, mũa rupaũri quenare to cãnacã mũmu caroaro cū coteato, mani Ʋpaũ Jesucristo cū catunu ejaparo juyoye caroorije átiquẽnana mũa cãniparore bairo ñi. ²⁴Cũ yarã cãniparã mũaare cacũricũ aniri to bairona caroaro mũa átibojagũmi Dio. Cũ caĩri wame cõo cariape átiyoja majuucõagũmi Dio.

Saludos y bendición final

²⁵Jã yarã, Diore jãre jenibojacõa aninucuña.

²⁶Cristore caapi nucũbugorã nipetirã caroaro na ñuato.

²⁷Ati pũuro mũaare yũ caqueti joorije Cristore caapi nucũbugorã nipetirãre na bue ñooña mũjaa. Mani Ʋpaũ Jesu to bairo cū carotiro mena mũaare yũ ñi.

²⁸Mani Ʋpaũ Jesucristo caroa ani wariñuu netorique mũaare cū joato. To cõona ã.